

四百三十二峯草堂詩鈔

四百三十二峯草堂詩鈔卷第六

惠州 趙希璜 渭川

壬寅

歸善馮柏樓烈女詩

汎彼水中舟珍我掌上珠掌珠光耿耿中河矢不渝歸善  
有馮氏女曰柏樓姝十六猶未嫁待聘絲緡需窈窕絕世  
色禮度鳴深闢織縑與織素巧奪眉嬾盧耶憐女婉孌母  
憐女勤劬小姑兄嫂愛弟妹交權娛有此好女子謂寧匹  
庸奴母求門戶對耶求人物殊隣村鄧家子生小嫺詩書  
才華稱夙慧容顏欺子都翩翩雖年少堂堂儼通儒阿翁  
謂其子是鳳當栖梧阿母謂其子是玉同璠璣佳兒重佳

婦風詩首關雎人言馮女賢隣里復交譽殷勤遣媒灼往  
詣馮翁廬馮翁大歡悅問郎豐與癯門戶旣當對人物非  
頑愚六禮通二姓一言鼎重諸聘呂雙鳳釵報以明月梳  
人倫始夫婦匹耦慎厥初馮翁有快壻柏樓得所夫詎謂  
天祿爾齟齬鄧子軀齟齬復齟齬養養鳴烏烏兩髦我儀  
特千古一歎歎女聞喪欲奔趙牀且大呼窈窕絕世色禮  
度鳴深闢耶憐我婉變母憐我勤劬小姑兄嫂愛弟妹交  
懽娛自謂好女子寧再匹庸奴父母好言慰謂汝姑徐徐  
鴛鴦比翼飛連理毋自誣女聞破涕笑中心思良圖生非  
同室人死甘同穴居我有雙鳳釵我有明月梳織縑與織  
素箱盈千青蚨兄嫂弟妹知死願身與俱沐浴理衣衾殉

義實由吾寧爲恩愛死死則綱常扶梁懸朱絲繩畢命天  
何辜感慕兩村人悲傷泪盈裾兩家從女志合葬大道隅  
我聞尋餘烈慷慨生嗟吁謠詩以諷世當知名義區

和筱飲齋楊忠愍遺囑墨蹟原韻

大雞昂然小雞聳炎炎嚴夏交鬱攸一雞失勢共銑死

桂州

與曾銑同棄市

百鸞盜柄歸東樓言官不言犬不吠閒曹張瞻明

星眸二王一語迂世廟鍛鍊成獄方歲周豈無人嘆莫須

有此老不死生千愁代夫疏語極慘淡効命可禦疆場憂

公詩一爲表餘烈似看枷鎖香仍留

忠愍臨刑詩云風遺吹枷鎖滿城香

囑立心諭箕尾讀詩遙豁人羈囚事當呼愴或過激詞隣

剛厲終包羞否則刑官走掩耳路人喪氣皆低頭苞苴爲

奸不並立忠愛自篤寧暫休瓦全何如竟玉碎金甌但願  
擎神州想應筆勢鸞聳立儼憑大力迴九牛疾惡本冀鷹  
鷂逐髮指非報睚眦仇恨無老僕竈下泣同官慨贈羊皮  
裘讀至孝悌力田意永嘆釣錮東林秋黨禍門戶更慘毒  
曷若阡陌歸耘耰華亭偃僕公子笑中書伴食同懸疣高  
山土樓夢已醒爰書遂定爲殊尤執筆不能成一字青詞  
何補悲時流

題胡偶山羊城夏竹枝詞後

長夏潛銷短曲中歌聲歌到競南風蟲魚草木尋常事却  
笑稻含狀未工

大歷十子門新奇引宮刻羽土風宜本自人情揆物理

活正變莫差池

自營生基成醉中擬輓詞

生則預基之死便久埋我生死有定分菀枯不相左我既  
未知生曰死豈必果小人常戚戚藏身悲兩可

神智一無用手足隨人牽此爲死後緣誰復云生前生前  
留死地死不所生憐土親人日疎積歲成百年涼月照白  
楊春風吹紙錢及我神智定酒戒無須堅同穴謀諸婦把  
酒開芳筵兒女粲然笑輸茲飲者傳

病耳

我耳原似鐺時日熱而鳴今竟昭輪鄭非關仇絕彭大風  
偏逸響落葉本無聲額角能兼聽洋洋或可盈

病目

有目不得快浮雲飛作花胷中本來正物引亦非邪黑白  
粗能辨矇矓近已遐認眞因太甚魔障故交加

皂隸

原是公卿子於今假虎威晨昏供役賤驅走出身微加我  
以白眼知君恃黑衣却憐趨偃室幽憤未能歸

梅花

不緣冰雪淨聰明竹外斜枝分外清驛使南來剛十月山  
人夢斷又三更

陳芷江學博冬至日以小詩招飲戲柬答之

羅浮踏月夢初回縹緲仙村萬樹梅試問寒香爲誰放鬆

風亭下大蘓來

魚珠觀曙霞詞

虎門東障浮星楂，猙獰怪石交。鈴砑海潮直走朔，風厲扁舟卷浪驚。霜鴉推篷四望杳，無際五更昏黑陰雲遮。須臾迸雲吐赤暎，珊瑚碾出黃金芽。煌煌頽盤火制水騰騰，烈焰爇羲馭車。是時海氣亦炳蔚，千爐萬鞴蒸晨霞。龍官珍異催列市，樽桑枝葉紛揚葩。誰將絳綰拉蛟室，碧浪瑩澈浮丹砂。旌旗蔽空互熠燿，不周鍊石維皇媧。天地正色有聯兆，洪濛平坦生光華。所貴早起渺萬慮，心眼爲豁何欷邪。試看赤羽化卿霽，文章黼黻非虛誇。

題二樵山人禪病圖

爲細君作也



豈必禪生魔豈必禪云枯花自天上墮寄身欣清癯清合  
匹狂士人天無二趨藥師琉璃鐙光明照中厨得句試呈  
佛佛不爲盧胡是時毛孔內生出青芙蕖轉憐大弟子一  
塵隔衣裾金閨貴靜整色相窮眞如受想非非際苦寂原  
虛無病卽證與果什百其殊途惟有二樵知作茲禪病圖  
歸以遺細君雅與朔也殊朔也東方誕君較西樵姝五百  
四峯萃草堂葺吾廬有此狂主人孟光志與俱尙嫌舉案  
事後世爭懽娛曷若逃于禪塵事不我拘前身定王維維  
也禪病軀愧無內子賢似君心意孚養疴繪輞川彼婦或  
卿掄更傲東坡子玉局偏齟齬遷播豐湖麓金剛偈欬獻  
始識朝雲慧仰天呼烏烏羨子有清福茶烟起深閤

茶烟  
伴佛

缸二焦寄  
虛舟句也我亦重好合警旦俗態除繪事假君手尙非同  
女嫫時挽二焦作  
內子小照爲不識禪病無以返太初

和張粲夫同年新得貫休咒鉢羅漢圖原韻

祇園發願阿斯陀莊嚴寶相無偏頗信心清淨作大會是  
誰空手歸千那畫師本得畫禪意宣咒不假簫和囉目注  
于手手注鉢右肩偏袒心靡它滂滂雲氣起灌頂大海水  
至通恒河河海細流各歸宿窅堵波現廻顙波老熊合掌  
擁錫侍亦如桐柏降淮渦猙獰怪狀轉慈悲善性已化旃  
荼羅說法婆婆有世界受持是律當輕訶座上滿月天上  
月透透交映非遙遙忽現化身放金粟雲外隱約空明多  
想其夢境所到處獨出杼軸殊成科何以蹤跡向交廣又

入君手時揆抄訶林僧自不愛惜轉瞬緣結修曇摩古烟  
濛濛絹敗裂諦視奕奕誰瑩磨寫經伏虎與面壁一一刼  
墮輪迴過我今屈膝禮般若皈依正果何蹉跎一十六身  
聚復散存茲四相除四魔

### 蟹舟行

深巖側有龍戶泣家計飄蓬風雨急

蟹戶一名龍戶

郎披簑衣妾

簞笠七十二潭撐一葉一葉浮家何處歸上潭下潭郎莫

違纖纖缺月兩頭飛潭心拾得鰕魚肥

周黃何翟曾蕙顧七姓子孫自昏娶珠兒珠娘人莫妬生  
涯不識耕耘處男兒赤足女裹頭雲烟杳杳風悠悠今晨  
魚稅大衙收來日波濤無限愁

禪孝圖

金剛不壞身自在波羅蜜我非野狐禪惟求空處實象教  
來西方滿月與皎日痛憶父母軀聲容不可卽卽禪以作  
孝孝不自禪出仿茲象教意禮親如禮佛愴然傷心魂合  
掌復屈膝地異祇樹園戒異如來律琉璃世界中搆此光  
華室悟徹禪孝理又假丹青筆

筆畝詞

并記

歲壬寅予春秋三十又七矣始悔向來絢爛之非求  
諸樸實兼悼平生遇合之蹇志在山林管城子無食  
肉相良不誣耳顧少年時讀書羅浮山寺與梅花村  
數里而近酒闌月上攜杖閒遊尋吾宗夢處裴回不

忍去迺十餘年來碌碌風塵如隔世焉歲杪由石龍  
陸路坐籃輿日歸竟日與羅浮遙對夜宿增城夢坡  
仙杖屐招予至賣酒田痛飲問予所爲予曰身將隱  
矣夫奚爲坡愀然長嘯曰子誠鄙人也子誠不知我  
子誠不知子子誠不知子身爲何如身子夢爲何如  
夢也我姑妄言之子姑妄聽之子知子夢矣子知子  
身矣子知子之所以爲子而我之所以爲我矣俄而  
葛鮑二仙控彩鸞下麻姑峯笑謂予曰子知我乎我  
知子矣子知子之身之夢乎我知子之夢之身矣予  
茫然惘然悵然憮然愈不知我身爲何如身夢爲何  
如夢坡仙窺予逃拉葛鮑指老樸以啟予曰筆頭公

古弼沉淪于茲千有餘載待子脫穎而出久矣因攬  
樹下有筆一珉花萼爛焉丹書燦焉光怪陸離不覺  
目爲紛迷神爲飛揚吁孰知子前身所寄仍子後身  
所取乎坡仙撫予臂曰子有是珉一生喫着不盡矣  
于是彩鸞引吭而鳴比翼而舞予騎鸞背翛然高舉  
仙乎仙乎其在茲乎其在茲乎近日杭州袁簡齋夢  
筆作棧而才思大進因自號子才子萬不逮子才子  
之棧然旣得此珉以之縱橫排奐足以自豪何不可  
仿子才子之例卽筆珉自號乎予不知子之夢醒何  
時竊忖身附於珉其寄也與哉其取也與哉東坡葛  
鮑諒不我誑耳因序昌詩不計工拙亦曰紀實云爾

中書方謀歸管城中書頭禿無世情東坡強預他人事笑  
指梅花樹下光熒熒梅村是我舊夢處花開花謝自來去  
寶燄騰輝問筆公丹書一軸貽仙翁仙翁不肯抱藥甕手  
攙筆取飛彩螭彩螭昂頭夸見聞寒香沁髓凝烟雲鮑先  
生抱朴子爾在羅浮長不死我本游戲三昧耳人間擬向  
尋青紫少年奮筆高軒過嘔盡心肝軋小李亦謂我身有  
仙骨豈隔蓬瀛纔一水誰知埋沒此山中毛錐蛻去囊云  
空株守梅村老白屋鋒鏑欲吐泥九封坡仙爲我挾根柢  
葛鮑從之舒斐亶月窟窮搜兔魄歸葩流藻采空文壘果  
然瓊底春風生翩翩彩鸞引吭鳴且飛且鳴瓊忽舉狂生  
足踏青雲青花爛漫氣縱橫中書今日夢初醒痛飲羅浮

春百盞濡豪染翰洋洋灑灑大快我生平

研棧齋

并記

渭川子旣歸瓶園築筆琢吟屋于方山之陰地故僻  
牧童樵叟日相過從蓬首垢面涕長一寸不知其迹  
之溷也山魃木客徹夜喧呶傀儡支離千怪萬狀不  
覺其蹤之詭也有園如瓶有筆一珉于願足矣顧萬  
石君以醇謹起家自安小就珍重而告予曰我家小  
石性端凝與人無忤子益友也且貌稜稜似子與子  
交陸可舟水可輿也不介而馳不經而走神之又神  
元之又元與子交子益矣子盍求諸水之湄而山之  
巔乎予于是窮搜真索溯溪流石畔得研一方如桴



形背有銘俱剝落僅存隸書棧字粗可辨識嘻是卽  
萬石君貽筆瑑主人之益友乎嘻予益矣因搆研棧  
齋于筆瑑吟屋右而爲之記

人欲沈之我欲浮研田作棧亦良謀從今一任風吹去穩  
渡先生訪玉洲

小溪拴繫幾經秋入我齋中便可桴桴到浮山最高處好  
將離合叙綢繆

吾家松雪足風流不必詩情壓倚樓但願此莊非陸氏東  
坡秧馬借耘耰

豈其璧也仍歸我我本無心聽去留小石結緣偏有意筆  
瑑吟屋共優游

題叔明春江獨釣圖

何必蘆中丰韻長  
一邱一壑任相羊  
釣絲靜理春江浪  
安穩拴舟傍綠楊

身入桃源骨已仙  
偶乘釣艇又忘筌  
若能將得童男女  
好向三山結舊緣

柳花三月吹作蘋  
風光澹宕娛詩人  
直鉤聊與魚龍戲  
飽看江山飽餌春

道人嗜膾與蓴羹  
春煖蘆芽半寸生  
且把蘆芽當蓴菜  
臨風游泳大多情

一枝兩枝紅杏開  
我曾把釣江心回  
那及巖邊垂柳下  
淨家鷓鴣共無猜

袖去來年眎楚人

叔明明歲之官湖南

瀟湘漁父自爲隣  
騷魂屈子

應含笑笑煞均堂膠此身

歲暮四無詩

無錢

何曾獲罪到朱提  
定分嚴于分水犀  
欲借揚州張老笠  
干緡不論價高低

無衣

緼袍敝去羨同袍  
豈曰無衣意氣豪  
顧我無衣豪不得  
羊裘遠遜富春高

無米

家家黍稌計年豐  
遺穗猶教寡婦充  
獨有先生當歲晏  
炊

烟忽斷短籬中

無酒

每欲上天囚酒星誰憐黯伯竟常醒寒窗徒憶梅花夢夢  
入羅浮口胃馨

守歲口占示慎兒用東坡追錄付過韻

心焉怙恃此情悲我失雙親痛式微久忘春光是何物一  
年一度客中歸

癸卯

新年五首和東坡韻

行樂日日醉太寧歸一元夢梅仍屬我賣酒已成村平疇  
綠蕘淺流水白雲翻對酌狂謔笑都忘黯伯昏

方山欣在望我愛古成之心志似同轍依栖借一枝

方山爲亞

與讀書處子繁營新居于其下

作茲老圃計正及早春時爛漫天眞趣謀

生有虎兒

惠風原穆穆兀坐覺澄清喬野拙於禮山人懶入城頗能

渺衆慮何必證三生澹泊從吾好悠然契太羹

春意識萬物生機來自東當門一峯秀放眼寸心空燒藥

山中客懸壺海上翁勸他停伎倆元牝與人同

乘興入林鹿木棉花正繁滿空下絳蠹烈焰蕪名園桃李

悟非色藏生知有門

雲笈七籤自藏自生飛仙紫門

晴霞爭掩映渲染間

天孫

自題白雪紅棉圖

壬寅歲杪由羊城返權連日風雨作惡維舟江渚木  
棉始放因追憶年來行路兩度江南萬樹蘆花一天  
白雪此大江風景也惜無紅棉一二樹爲之點綴爾  
新年無事牽合作此小景得四絕句異日以眎中原  
人士其以爲田山叟絳雪丹否

雲外何人歌白雪山傍幾樹霽紅棉  
臙脂不厭添新粉海國春光獨占先

牽合江南到嶺南長江風雪木棉酣笑非一騎  
紅塵起狀此炎涼仔細參

漁父溪橋行路難隔舟向火人團樂  
先生正衽而危坐飽飫洪爐絳雪丹

四言三十二首  
卷六  
二  
忙者自忙閒者閒閒如綠水與青山更將白雪紅棉意一  
爲黃安轉玉顏

題畫冊

久棄胭脂繪事賒洛陽春色又誰家先生新得窮忙病故  
作人間富貴花

牡丹

秋色何曾少海棠籬邊點綴占秋芳酖顏知伴黃花醉不  
解人人喚斷腸

秋海棠

黃鶴樓中黃鶴翎橫秋翅舞暮雲停道人最愛風流狀狀  
我顛狂醉後形

洋菊

粵中春色定如何春色炎炎韵致多  
燕天烈燄照海燭南  
極出地橫滄波

木棉

從來絢爛歸平淡枉費傳神阿堵中寫出曇花是禪意淨  
綠枝上白頭翁

優鉢曇花

### 春雨

春草碧于油春風輕且柔嫩寒生小雨佳氣鬱芳洲林外  
千山暗雲中萬象流紅桃與綠柳含態作嬌羞  
一夜走輕雷花邊羯鼓催春情難自主汨眼爲誰開渲出  
霏微色都成錦繡堆傍檐雙燕子冒雨故裴裒

### 悶

氣鬱漸成悶春風吹不開因春愁更長樹背我裏猜萱草  
本一物柔腸牽九迴謂他能已病着意去栽培

中夜聽兒子讀書欣然而作用蘓題遷居之夕原韻



頗知教兒子愛非同憤禽兒子皆寧產我尙操淮音大兒  
能文章十五籍青衿小兒十三歲始解學哦噍披衣起堂  
北好風來自南滿耳呶唔聲昔我亦如今而今教兩兒兄  
弟異岑參畧指而復分淺言而復深我非好奇者百史手  
自斟似共陶潛趣悠然蓄素琴

桂芝詩

研棧齋側予手植桂一株閱今二十年矣翠葉龍蔥  
出檐如蓋老幹已大一圍新年正月根下生菌越宿  
如盎香溢座間不可名狀蓋芝草也兒輩剽取曝乾  
置酒稱壽爲圖如左索和同人時仲春中澣五日  
懶向深山尋肉芝人薇枸杞飫仙姿廿年手植庭中桂一

片陰濃月下枝兔魄哉生瑤草茂松根有夢茯苓奇香蒸  
金粟烘春色正是還丹九轉時

竇家說有桂叢叢又見孫枝娛廼翁草木乞靈鍾間氣庭  
階愛爾養和風移來玉樹三山上已滿天香一月中桃李  
門前含睇笑笑予兩眼化方瞳

四百三十二峯草堂詩鈔卷第七

惠州 趙希璜 渭川

癸卯

將赴黔示內

春愁只合付東風  
家計飄零似轉蓬  
我逐春光作行客  
不緣春去太匆匆

次三水縣懷葯房同年兼寄雲隱

三月三日天氣清  
浪花謔外行人行  
飛頭獅子耳習習  
印孃老去偏心傾

蠻雨愁生青草瘴  
春風吹到海棠橋  
百年重墮詩人淚  
赤雅何曾慰寂寥

錦裏石

癸卯三月廿三日錦裏石邊我屈膝屈膝於君奈若何向  
君更乞能言術君如告以依人方我心可轉愁可豁歸時  
遺君錦纏頭侮弄烟霞雄百粵君言昔有陸生來詞鋒傾  
瀉無人摧蠻夷大長驕且悍醞越俎信懷疑猜陸生口齎  
天語至扁舟枉顧而裴裒甘言餌我以錦裏謂我磊落憐  
通材我攜生登越王臺越王倒屣空尊罍贈以翡翠與玳  
瑰橐中滿載黃金歸歸去不復顧盼我令我冷落空江隈  
又有詩人黎民表謂我蒼蒼顏色老青黥我面作巨字傀  
儡何曾知縹緲頗憐形貌爲人汙子西去回毋草草而今  
猶以錦裹羞而今不願錦纏頭子如得意還羅浮寄語鮑

姑灸我瘤我織石髮爲子裘送子研棧尋瀛洲

次藤縣寄慎兒用蘓題示過韵

顧我行行與願違爾其澹泊掩柴扉何人短有深山賊薰  
鼠殃連破竈賊小阮苟饒林下趣先生易滿橐中歸只今  
屢空無門訴纔到藤州已典衣

三月廿七夜泊藤縣下嶺汎懷王月坡用蘓題藤州

江上夜起對月贈邵道士韻

春江不見月愴然傷肺肝況我肺肝人宛如明月盤規我  
以道義急於江流湍忽離明月盤眞作冥行看同入瘴癘  
鄉凜凜心爲寒侏僂與鬼域日伺人晏安所恃正氣在心  
花零露溥瘴水愁泱泱瘴雲愁漫漫雲水聚復散援琴一

再彈今夕是何夕又上藤州渾

四月初二日入大藤峽

已入詩人甕從今歷萬危

黃魯直鬼門關句云人鮮甕中危萬死廊湛若題其上日詩人

鮓

山圍環更曲花簇錦爭奇濃霧漫江水叢菁叫子規昏

黃非正色草長斷魂時

吾痛李夫子中原食餅人

南磳詩我是中原食餅人

遂與宜州淚同歸

青草春

南磳爲桂林司馬至柳州會審莊發於背未幾而卒

唐宋多詞客衣冠結鬼

隣前途弔子厚功德在斯民

四月初六日立夏雨中送春

春風送我來夏雨留春住送客有窮日難盡轡中路我今送春歸茫茫不知處但見峽雲起紛飛同亂絮粉淚交盈

盈眉黛新愁聚波心一寸顰寸疊鱗鱗去雙槳蕩不開孤  
舟橫水渡上流截春回綢繆朝復暮春色本多情年年爲  
情誤忘情良獨難令我翻然悟

出大藤峽後作詩甕圖寄二樵山人

昔也君從詩甕出碎敲石乳化詩腸

二樵僑寄南寧者累年東歸後才思大進

別支直接西江派好士爭邀雲韞孃山水我來酬宿債烟  
花春老送輕航前身想是遷流客又謫蠻中作酒狂

身墮峽心直入甕醜蝦蟆躍仰窺天大藤長繫莊生瓠枵  
腹能容鰕子船漠漠浮雲輕富貴悠悠逝水總桑田幾多  
碑碣融州洞唐宋詩人在此竄

詩甕圖寄內

行路那能堅酒戒詩情不覺付詩筒郵歸試認卿卿面春  
老螺舟鮮甕中

尙憑研棧穩如楂一水徜徉聽浪花前去牂牁風土記待  
予入甕細搜拿

舟中三適用東坡謫居三適韻

早晴

纔自仇池回曉鐘鳴梵宮夢境天欲雨黑雲溥青松醒來  
喜開霽綠篠含輕風卧聽榜人言此水三江通原泉何混  
混上下交匆匆漂泊憐浮萍水蠱山復重浮萍生深山木  
馬追健駿粵西爲木船最佳晴虹百丈繩似轉鹿盧同紅墩一輪  
現俄與琴高達彈畢水仙操飛跨赤鯁公



午風

逆風船上水左右苦掣肘揚帆破巨浪此樂回頭有亭午  
風勢轉不覺來船久回頭發深省如以心運手人生苦樂  
均界限犀劃酒識透順逆理何必貳天壽中年得盛名持  
盈當不朽良時與佳日隨境足消受望望浮雲生猶疑滋  
我垢默存內景丹寄語田山叟

夜月

山光落水中隱約展翠稠月色白于水來洗人幽憂萬竅  
走瘴母雙聲鳴鵲鵲吾自適吾情蠻荒甘遲留銀蟾吐冷  
燄火山風颼颼劍氣直逼月披襟顧兔投新碾千玉印一  
彎臂捍韞山水慰賢者何以我沈浮豈其遺藥石霍然厥

疾瘳母貽哲士笑躁心同沐猴

柳柳州祠

食報詩書此日收先生俎豆遂千秋謂非貴重悲儀部誰  
識窮荒有柳州黃鶴碧桃天上去舞衫謔扇曲中留羨他  
揚抑如潮筆生死交情易播求

劉黃墓

那堪瘋病秘書郎投老龍城瘞骨香幾見登科知得失畧  
嫌入幕枉行藏虞翻死共嗟南食甘露災餘痛北望終始  
黃門橫太甚衣冠寧委瘴江傍

遊老君洞和石上賈遵祖原韻

遵祖字季承宋  
淳熙時趙郡人

柳州纔尋子厚宅玉融漸覩真仙境

一名真  
仙洞

老君端坐青

牛背巨靈手劈太華嶺形如偃蓋天入壺圓放清輝月倒  
影銀蟾跳躍孕光怪枵腹玲瓏任游騁何必丹砂勾漏求  
分明絳節青童乘我入未半已三日云到中間仍萬頃瑤  
臺璇室非無人心死身生是真靜雲頭四面皆琉璃塵緣  
一念墮機穽倚闌玉水自潌洄不異仇池發深省仙家有  
地種桑麻顧我移家勞造請忽聞雞犬鳴吠聲冷然簫管  
天風冷久知結隣先擇里無事疏畦與鑿井潛蹤不使關  
喜知此情惟有先生領會附九洞歸八海一拳涵蓋三山  
景

浪花詞

青草黃茅蛾眉獻蠱斑衣繡面蛇霧潛身泛短棹而

東來異求砂於勾漏溯右江而西去獲繫纜於牂牁  
思獵盧鹿之豔香依栖已無雲鞞欲纂盤瓠之新語  
遊覽復愧龍門謠聽浪花唱鈎輶之蠻女妝憐蝴蝶

蠻人率繡額爲蟲  
豸之狀以爲豔

舞石陣之天姬

石陣懷遠縣苗寨名

擊銅鼓

以迎神吹蘆笙而跳月曼聲度曲則瞑目搖頭短調

同賡則解衣結帶巴渝換竹枝之舊草竿始創升庵

打草竿曲一字百轉楊  
升庵謫金齒時所作也

桂海補虞衡之遺赤雅曾題

湛若爰卽見聞所及博參載籍所傳苗瑤之種類旣

殊繫棘之風謠非一人尙近乎渾渾噩噩事不嫌於

怪怪奇奇因區別以爲圖遂流連而致咏豈侈螺舟

之春色亦弔鮮甕之吟魂已爾

濃春散髻門春濃梳子銀花十二重苗女髻上必斜插掠花數朵嫁後生子者惟正月迎春三月老青橫柳葉鎖眉插木梳不復詞浪花矣

同心結繫蝶綃帶連袂徧隨一段雲峒口插青谿路斷桃

花時節雨紛紛

苗女踏詞雨情既洽必取柳枝插於峒口以阻人行名曰插青

爾非多貝大王孫

苗人之祖有多貝大王者諸岑諸楊皆其後也

曾伴居思峨洞

人居思峨洞

唱到龍神開口笑偏他獾婢得龍鱗

洞中有潭

潭有龍獾女踏詞神龍游詠龍悅則遣一鱗而去獾婢往往得之

千葉桃花似牡丹織成穗錦露溥溥榜人一色春衫麗會

博君王帶笑看

南史齊武帝乘龍舟遊江中榜人皆著鬱林布

保命圈圈月暈重

謂項圈曰保命圈苗女誇麗者其重重圈愈多自項及肩有至數十重者

月暈托芙蓉丁妝莫逐天姬隊

妝最下者曰丁妝

手印雙紋對掩胸

傘下情郎認不真

詞時男女比肩坐地上各荷傘障面

詞喉宛轉喚情人春

蠶吐盡絲成繭又化游絲點絳唇

東谿新作麻欄子西崗新裝羅漢樓

謂少年子弟曰羅漢樓有至五七層者其最上層

黃茆外紅日當中蛇霧收

苗樓有至五七層者其最上層曰麻欄子以居老人中層則少

年子弟居之曰羅漢樓青草黃茆瘴之最甚者也

夜捉金蠶禱鬼堂火師寄鬼小姑藏燐燐鬼嘯金蠶死真

果能言石大王

鬼堂苗之通寨祖祠也無木象神主惟中設大龕一旁設二長木几門外正中亦設

一長木几外巨石板一縱橫約十餘丈曰石大王火師巫也苗女詣別寨必造火師寄鬼以去名曰藏鬼否則懼爲

金蠶所

敢耳

麝臍香墮拾誰家香草迷人水一涯更有夢魂顛倒處碧

雲洞口紫綃花

紫綃花媚藥也以碧雲洞產者爲上

斷虹垂首短狐生不射飛頭射獨行伺影須妨花下路窺

人偏在暗中明

短狐蛾也爲斷虹所化獵有飛頭者夜飛其頭覓食

木客忘筌問老狙看他初日射芙蓉紅顙襯出銀鱗細潭

底一雙白菱魚

肅肅凌霜肅肅飛

凌霜鳥名其鳴肅肅

鳳皮裘取綠含歸

猶人以綠含鳳皮爲

裘最貴者服之

諺曰綠含無價婆羅火浣尋常物更覓人間金縷衣

### 古州卽事

一灣花霧一灣雲晨起迷濛似夕曛亂落柳花如白雨參

差燕子撲紛紛

難尋奴婢橘千頭且喜笙歌兩部留我本幅巾遊汗漫夜

深長嘯月明樓

排山高插古州城小崗原從大崗生八萬崗雲三百里從  
茲歷盡坦途行

行暉何必泣蠻中飛蠱原來色相空不似螭蛆光習習鳥  
嘯花落怨東風

偕邱寅軒遊立魚峯

半圭聳峙影巉巖宛爾秋波起鸞帆洞裏雙輪懸日月  
左右各有一洞偃身以進另開生面峯腰一色鎖松杉乍經風雨疑飛去遙  
矚緩猱引手摻玉女低頭含睇笑靈芝千歲有誰鑱

次羊城聞黃松礪茂才暴卒設奠哭之

豈其叱石歸山去遂使春風寂夜臺千頃波澄空客座一



方人影落溪梅

松礪宅于梅溪

可憐異地成河淚，真似繁絃入破。

哀若遇海門勞寄慰，弟兄先後籍蓬萊。

松礪卒時昆季皆赴省試海門其從

兄也先松礪十年卒且無嗣海門之仲兄致如季弟午園先後鄉雋故末句云云

甲辰

### 營方山新居

入山何必深居愛，得清音水旣一環。繞松仍萬籟，陰高樓

開玉局小圃種人葦。笑未同鳩拙綢繆，契夙心

亞輿風流在遺蹤。總可尋蔥隴，眞福地縹緲出崇岑。有酒

舞陶令，無絃彈素琴。三椽茆屋裏，一逕碧雲深。

新居欲成用蘓題白鶴峯新居欲成夜過西隣翟秀

才二首韻

托足久知擇仁里移家遂已住仙關兒童父老和風內雞

犬桑麻綠水間東海飛來兩圓嶠南陽擬此又方山余前過南

陽玉屏山躬耕不必吟梁父我是投林鳥倦還

近接平岡如玉儿高懸明月作天鐙分他蟾窟三分燄照

我梅村萬樹冰鑿井笑非金盞宅跨牛時有竹枝僧月中牧豎叱角

吹笛唱竹枝詞步步入山大侶圓觀事公卿來往示兒子遠較昌黎得未曾

和小圃五味

人穫

我眼本如豆自笑窺甕底益智尋穫苗續命同春醴一桎

兩葉形五官具四體仙人恣大嚼俗夫穎出泚大兒與小

兒成形比孔禍醉移土木根不必隈陳米人穫以陳米隈之可以久藏

盼其紫萼開，膩紅肉啟，徑尺走嬰姪，辭蒂偏固，祇根祇大還丹，一切塵滓洗有骨，非專車飽飫，噉會稽。

### 地黃

羅浮產地黃，曾仙葛仙人仙，豈恃一物根大思，吾身顏齒與暮齡，奄息云難振，當及少壯時，毋辜物皆春，謂彼可調劑，如以油沃薪，作甘等稼穡，養脾味本醇，誰其苦飢腸，待救方酸辛，即使光照地不足，爲世珍肥壤，卽濃郁多汁，非真津。

本草地黃宜肥壤  
虛地則根大多汁

乞靈於鞭草，劫灰今幾塵。

### 枸杞

昔策仙人杖，三湘與七澤，丐者遺蒸犬，遂解三彭厄，我住梅花村，自愛居繞棘，棘下有枸杞，毛女盈筐摘，口味本同。

四言三十二首 卷七 九  
嗜飲食胡可節移種掘其根澆以杯中物誰歟嗟爨來狷  
狷驚座客婁宿墮眞精地骨孕偉質枝間牛乳垂火齊燒  
鈴索願酌羅浮春遠訊維摩疾

甘菊

終朝采盈剝卷曲東籬好愛彼色香幽已歷風霜老佳名  
著晚節落英異春草茁蘭與競秀芬馥各傾倒翩翩孤鴻  
飛熒熒衆星掃足下青雲生捧出黃金寶枯礪浮榮光流  
泉摘瑞藻中多百年人不識雙髯稿飲水當療飢含貞快  
聞道置身夷惠間羨爾知幾早

薏苡

何必尋赤松遺世同張良輕身餌薏苡珠犀交誣傷如果

可勝瘴云胡嬰鑠亡秋爽蛇霧烈春深吉財長

投荒錄新州郡境有

藥土人呼爲吉財解諸毒及蠱神用無比斯草與斯米功效傳炎荒或云釀春

酒導氣兼檳榔吾鄉賤於土裹作山中糧不受專車謗空

羨青史香辟穀枉自餒捫腹嗤枯腸何如王子年延精分

餘光

王子年拾遺記延精麥延壽益氣

### 留別弟姪

去歲勞勞西入黔那堪離緒又新添同懷惟弟獨年少小

輩如忻今皓額門戶莫貽鄉里笑詩書留與子孫漸殷勤

握別滄洲上秋水秋風動暮兼

### 別羅浮

昔我入山歲辛卯翩然遯跡脚不掉移家密邇梅花村賣

酒田邊尋舊好四百卅峯闢草堂晴虹夜月水雲香玉女

新寡不肯嫁麻姑年少搔長爪安期捧棗貽軒轅葛翁埽

榻遲

去聲

鮑老是誰笑口開至耳上帝弄臣絕傾倒嗤我骨

俗身不仙一覺前緣殊未了忽離忽合何悲歡風雨波濤

生縹緲觀光屢上黃金臺壯遊幾度邯鄲道人間原自有

蓬萊

望玉堂雙髻檣鐵橋夢斷玉堂空琪花枉自憐瑤

草魚山屢書敦廵北遨遊躋躋今猶昔馬豔班香徒麗藻

年年山下去復來問訊啾啾紅翠鳥往時奴隸皆飛昇廻

首烟嵐任揮埽今知身墮塵寰中君之謔我亦太巧屈伸

兩臂畧提掖三山僑住足安飽竟使飄蓬感斷梗無復片

言通介紹維舟終日眞大緣還乞小峯開別島

羊城晤廉舫得謹庵消息

聞說謹庵潦倒甚見君勝見謹庵書我今破竈惟烟火日

尙烏衣下里閭

僕遭家難後不勝吏胥之擾

秋水又添新別恨侯門仍

曳舊時裾請看面目憎人否田盡身輕那自如

田盡身始輕葯房所

贈句也

九月十四日李敬躋秀才招餞海珠寺風雨大作戲

呈粲夫

誰言風雨亂鐙光海市依稀接大荒昨夜鯨人來報我蜃樓把盞有珠娘

玉釵金縷兩三行不度春風枉斷腸酒罷一巡譌一闌陽關宛在水中央

浪花捲雪一層層南海轟飛北海冰我比鯢魚還狡變口  
吹爽氣碧波澄

鯨帆千萬沓潮來滾滾珠江響忽雷引得先生倚闌笑紅  
塵不著紫雲迴

桃葉桃根細柳腰十年前此醉春宵祇因未入揚州夢辜  
負花田第五橋

五橋海珠妓名  
葯房所贈也

長鬣張郎三十八苦吟直跨倚樓人龍頭不乘魚須笏望

遠秋波生白蘋

白蘋亦  
妓名



四百三十二峯草堂詩鈔卷第八

惠州 趙希璜 渭川

甲辰

舟中望廬山放謠

彭蠡浩浩噓天風廬山浮出匡君宮  
商周之際栖碩隱何論魏晉以後紛紛  
沓沓虛無寂滅敷禪宗香爐宜支酒臺  
上陶潛李白酣醉斜陽紅如何隱亦通  
官府足山中罔識眞面目應接不暇思  
長公笑騎虎溪之虎東林東飄然舉袂  
飛舸劈浪喚醒成佛生天峯瀑布白繚  
雲闖龍石梁青挂鼉負虹龜坼卦分精  
耿耿鵬浴跳躍魚喁喁悠悠兀兀五百  
里蒼兮蔚兮千萬重大姑一隻鞋小姑  
一尺髻微瀾

爭獻微藍濃五老顏忽童三峽橫復縱變態不任巨冶鎔  
措大眼孔烏能窮舟行一日九日功山外看山支烟篷夢  
中說夢排龍從焉得陶之澹永李之雄蘓之排晁黃之工  
幹山缺憾開我心句修眉舞袖金鐘大鏞一一詭怪狀凸  
凹交玲瓏或臂竹而立或輻輳而從或如就規矩或如巧  
彌縫或形蒼蒼色或露閭閻容或樹旌子子或銜月溶溶  
左南康右九江但見六六三百六十之鱗蟲揚鬚鼓鬣來  
追蹤又見六六三百六十之毛蟲蟠門踞戶來分封小諸  
侯大附庸四嶽環遶中央嵩邢知藍縷葦路開鬻熊吳頭  
楚尾撐垣墉孫策復坐大紫纈云無雙西山不覺爲蔥龍  
連延平迤到此始結束提綱挈領比併何異同羌人生兮

天地一蟣虱烟濛濛兮豈予心之有蓬浩訶發兮鯤絃鐵  
笛叶奇響刁刁調調兮天籟地籟鳴黃鐘

屏風疊次太白

九疊翡翠樓青冷芙蓉秋水晶裁石鏡屏風橫寒流道甫  
問訕白天末詩激越人歸亭亭山侮弄纖纖月莫傾黃金  
罍莫譜紫雲迴騎鯨客已去抱琴空復來烟霞張錦綺花  
木深亭臺丈人致素書尺鯉遺雙枚把酒酬盧敖邈邈思  
深哉翩然花蛺蝶當階舞紅葉誰言雲母輕隔座嫌稠疊  
風流雷仲倫蓮社借匡君太白一星墮又入神仙羣

開先漱玉亭次蘓

噫噓出雲谷笙鶴唳松風倒縹銀絲網密困魚服龍纍纍

珠走盤耿耿劒躍空轟山附飛霆墮地成奔猱繞亭忽方  
流環珮聲丁東疑是素娥影初離廣寒官又疑綠簑衣來  
釣白頭公玉縷切昆刀繚冒烟林中

棲賢三峽橋

玉淵下注三峽開清猿嘯斷悲風來鱗鱗蕭蕭千乘車橫  
枝直榦萬朶梅長公之詩清入骨推倒峨眉厭月嶠堅瘦  
長輸紫翠間面目新看雲霧撥鼉鼉魚驚蛟螭虬或偃或  
仰或垂頭忽然吞食怪事發水石激射凝不流東虹西虹  
美人愁銀河織女歸牽牛烏鵲逃入棲賢谷少見曉上梳  
妝樓甚深法力遏奔溜飛橋誰補青天漏靈霞猶聞出地  
賁喧厖競逐迴風驟

石壁精舍

我讀謝公詩來登謝公臺大雅不可作風流安在哉石壁  
有精舍松門開野梅俯瞰大江水倒插匡君釵遠公苦無  
酒陶令愁攢眉淨土修白蓮浮埃幾劫灰謫仙歸屏風博  
士傾春醕天地本逆旅借廬良自媒何必擠支許何必誇  
陸雷却笑成佛後墮身小蓬萊

石鐘山

昌黎賦石鼓云是周京物酈元注水經細辨洪鐘律何年  
鼓鑄荆山銅化作玲瓏一片鐵鐵沈水底石性存噌吰搏  
擊風奔雲王濬樓船不敢下湘靈哀怨空留痕數峯青片  
月橫虬龍九子一龍鳴大鳴小鳴聲刁刁冥冥兮泠泠盈

四三三  
盈兮薨薨神忽爲之疑耳忽爲之傾始悟同潮汝有觸斯  
搏激瓊田玉海剗然開渺茫初到烟波客

彭蠡湖

西收章貢東岷峨瀦于彭蠡平不頗上游下游貯巨壑正  
如一鉢容江河茫茫大地互陵谷曰山曰水無成科鏡中  
變幻昧童叟時雜光怪煩撝訶乳豚拜舞老蛟怒雲雨欲  
起先翻渦冥濛漸覺慘日月皆聲爭長雄黿鼉退飛舟似  
宋都鷁阿香車逐陽侯波須臾巽六叫噤息大孤山湧空  
明多我聞前朝幾爭戰百靈效順皆廻戈沔陽漁子逞夸  
大舳艫銜貫傾巢窩周顛從軍本游戲康郎漂杵流滂沱  
躬行弑逆干天討要憑隆準殲妖魔啾啾湖心夜鬼哭磷

燐碧焰寒星拖弓古恨無李華筆載酒憶從秦獄過疆場  
鋒鏑豈異事招魂酌爾當顏酖勿附石尤作驕悍却妬王  
勃生煩苛分風劈浪各快意帆隨舵轉同游梭烟篷徐支  
泛竹葉霓裳又奏奔嫦娥朝辭潯陽暮牛渚好尋謫仙來  
放謔

香爐峯

天香雲外御爐烟縹緲層巒鏡裏懸我笑江州老司馬九  
人扛鼎夕陽邊

彭澤縣懷古

督郵來牧豎五柳種先生不作折腰令猶存居士名白衣  
欣客醉青眼爲誰橫晚節悲靈運韓亡尙乞榮

一首桃源記千秋歸去來問津誰鼓柁籬菊當寒梅蓮社  
攢眉入盧敖笑口開商周采薇意劉宋莫相猜

### 大觀亭

忠藎昭臣節江山壯大觀擡頭天掠勢照眼月爭寒不義  
浮雲散惟剛浩氣完風霜鑒子子松柏厲丸丸血化千年  
碧心輸一寸丹可知高處好頓覺立身寬亭子詩成屋盧  
花玉作欄無非分皎潔留與達人看

### 采石磯弔太白次劍亭夫子韻

四明新哭賀知章豈快東巡引興長

永王東巡詩皆後人爲作捉月一

輪埋采石幽憂萬憤繫潯陽譌翻白紵誰餘韻醉伴青山  
老此鄉酒聖詩仙冠三絕我來猶飫紫瓊霜



牛渚

一夜西風達牛渚  
月光如水水如銀  
兒郎正到袁臨汝  
蛟蜃還驚溫太真  
蹠蹠偏安雄晉宋  
興亡反掌簾蕭陳  
莫將天塹誇王濬  
又見韓擒曉渡津

金陵雜詩

五馬浮江一馬龍  
烏衣王謝共雲從  
風流南史成家傳  
涕淚中原失舊封  
幾見奮興憂跋扈  
那堪專制巧彌縫  
智如崔浩評劉裕  
眞果曹瞞事德宗

麻拂繩牀田舍翁  
寄奴王者一時雄  
小康繼數元嘉政  
大將終思道濟風  
傳謝勛名何足異  
儉淵品概得毋同  
石頭一木支袁粲  
砥柱江流浩浩中

蕭齊纔熾又蕭梁骨肉爭殘日不遑縱使黃金侔蔣阜深  
憂家弟在襄陽黑衣宰相風初變烏幔南冠恨正長塗炭  
已教淮水絕可憐戎服講經忙

孝元恢復藉王陳誰識吳興命已新隱遑誅鋤憐太伯公  
行弑逆效前人樓船金鼓倉皇日結綺臨風醉夢春日月  
山河詩兩句景陽辜負苦吟身

鄱陽一戰勃然興隆準規模直遠繩偃武修文談法度禮  
陶樂淑愧因仍元勲誠意猜嫌甚靖難周公殺運乘燕子  
春鐙詞舞歇有明終始在金陵

望攝山奉和覃溪夫子原韻

遠望玲瓏山卓起芙蓉城荷葉與荷根耿耿懸元精吾師

冲漠懷睠此邱壑情栖霞攜謝公五字推連營杜詩間韓  
筆訪碑佳興并搜剔秀麗色敲戛金石聲惜哉征帆速未  
得山中行推蓬且看山天濶冥鴻驚

乙巳

雪中

簷前小鳥思依依瞰客閉門愁忍飢清興近從詩味得淨  
緣又共雪花飛煎茶撥火尋生活向月敲冰問瘦肥何事  
陶家謔妓笑風吹寒素謝莊衣

五月十七夜醉後攜憬兒遊陶然亭

月朗鳳樓鐘晚動風生玉琯客初臨疎星落落懷天末叢  
葦青青已夏深暫滌塵囂因遠市拚傾杯斝到橫參十年

情緒依然在問話江湖萬里心

丙申七月一日偕魚山季求同遊陶然亭用杜題終

明府水樓韵二首今十稔矣撫今追昔爲之撫然

接家信喜生女孫戲寄大兒子惺

二十汝今生女早四旬我正服官初抱孫歡喜含飴事對  
客諏諧弄瓦書豈必添丁仍錯寫從茲逢吉有誰如遠人  
私祝門楣大嫁箇兒郎挽鹿車

簾鉤

一彎新月淡雲扶指甲痕留界有無倒卷湘波雙畫乙側  
看鳳喙半啣珠依稀睡迹尋羚羊角搖曳春心轉鹿盧傍晚  
紅樓猶未下恐妨歸燕費踟躕

銀河掛戶玉繩低九曲珠穿影不齊遂使錦絨編翠羽幾

經纖手弄柔荑。柔荑弧斜挽。初上蚊睫。紛懸意已迷。閒對孤鐙。風定後。瑞英餘燄。照玻璃。

天駟遙分第二星。飛來已自化鳩形。釣詩苑證花萌。甲賣卜先教字識。丁屈曲。蝦鬚牽小篆。彎環斗柄出疎櫺。臨池溶漾魚驚避。掉尾翻開一線青。

幾時卷舌吐蘭房。又入筠籠送暗香。欲化魚腸橫劍氣。盡垂虹。暈約溪光。遠山眉蹙寒蘆隱。叢桂枝。樛綵帶。長幺鳳。綠毛都倒掛。朱門日爲主人忙。

海棠詞

已過王郎十五時。春風吹裊柳絲絲。尊前誰度梅村曲。小調巴渝舞。柘枝。

東臺不是李琳枝紫稼齊名又一時夢醒可憐春去也匆  
匆鶯語下垂絲

自嘆浮沈可奈何二株園裏占春多若教北苑圖西府老  
大傷心水調謠

不到昌州二十年暗香浮動曲中傳陳郎未博尙書寵湘  
草輸他郢客憐

法源寺度中元作

新鬼故鬼鳴啾啾燐燐綠燄飛千頭盂蘭盆會法源寺紫  
金鉢咒中元秋牆陰蹲鬼果類聚臺下戰骨忘數幽蒿幢  
烟青炷香火荷鐙影碧明松楸嘯嘯爲爾說佛法指證有  
身皆爾儒鬼身隱約風中留啼聲慘淡雲生愁自言疆場

幾回死每聞鼓吹雄荒邱亦似戰馬久伏櫪要憑佛力排  
羈囚須臾恨血化螢散清冷月色當空浮欲窮一一詭怪  
狀畫壁更倩張僧繇

題虞山蔣仲和傳筵圖

七輪有泪啼湘竹六角當年寫右軍詩廢蓼莪歸孝子集  
成天保祝嚴君齊紈永誌護堂恨弱婦親傳祖德殷一自  
仁風揚鍊嶺龍皮墨彩煥吳雲

十月十六日作木棉圖送大庾楊田邨進士之湖南  
故人話別向長沙云過瀧江又近家且看湖南烽火樹可  
同海上木棉花三春信寄來年雁十月霜啼薄暮雅我住  
羅浮君大庾寒梅回首各天涯

送魚山太史偕弟幼吉西遊秦中

長安西望路三千放眼須登太華巔  
人向灞橋風雪去詩於摩詰畫圖傳  
尋梅知是兼求友搔首何妨一問天  
勉繼漢陂兄弟事再傾奇氣少陵前

黃金臺上送君西顧盼征塵旅思迷  
衣笑敝裘偕季子我慚喬木咏春鶻  
秦人最重傳經李燕市誰憐鍛柳嵇  
試撫當年廣陵散王揚盧駱已輕詆

囊皆詩債苦吟身畢竟風流迥出塵  
此去山經太行雪舊年錦賜未央春  
翩翩最羨門才盛落落相看老友親  
不唱陽關三疊曲交遊大半在西秦

枕柳青鞵佛桑紅鴝鵒飛來荔子叢  
酒對羅浮春盎盎珠



還合浦月濛濛故園風景渾如夢異地飄零獨轉蓬回首  
銅魚山下路幾時長嘯海天空

送宋芝山同年之隰州學博任

宋子又西歸增余嘆式微白雲黃柳外紅葉碧天飛鄭氏  
新書帶韓家舊版扉冷官今席暖桃李待芳菲  
我似垂楊絮飄零西復東君行歸故國天濶簷冥鴻此日  
皆強仕他年各老翁更期茵褥上珍重坐春風

紅葉

驚秋一葉入簾櫳冷憶吳江嘯晚楓醉染客衣霞脚雨夢  
迴春燕杏花風遠山野火燒空翠小獵歸鞭數落紅石磴  
聽泉吟謝句那須繾綣御溝中

錯認隋宮剪綵花飄飄飛墮枳籬斜月光瑣碎歸珊網霜  
色沈酣落酒家老去蕭疎偏渥赭生來絢爛本無瑕是誰  
工織天孫錦點綴張騫八月槎

晴窗攤卷薛濤箋纖手猶留一捻緣不信繪聲兼繪水可  
知非霧亦非烟流光掣電原同幻醺筆繙經總解禪最好  
撩人詩思處片帆初下夕陽船

小樓鐙影亂黃昏剝啄誰敲月下門火齊珠擎蒼水使芙  
蓉城傍紫薇垣拾來好削桐圭樣飄去還添錦浪痕遠望  
碧雲橫鎖處霏霏絳雪滿山村

丙午

懷謝桂洲同年

禪

丁未

延安早春

勞勞半載寄烏延芳草重尋杜甫川塞上豈無容足地春  
來惟有困人天雲翻飛蓋千林月風動清涼萬井烟太守  
青郊勸農事好將韓范繼當年

曲江

雁塔崔巍雲日外曲江迴遶翠微中姓名天上掄揚久韋  
杜城南咫尺通宴罷醉臨春水綠我來飽看杏花紅慈恩  
稱謂誇先輩想見當年國士風

登慈恩寺塔望終南山

此中佳處新看破到眼烟巒分外奇誰作移文任騰笑人  
訶短褐正含悲條枚自入君王夢枳棘偏來鸞鳳窺太華  
高高天尺五盧生底事費尋思

七月七日出長城晚宿鎮靖堡

草地黑於海沙山黃接天長城通鎮靖一雁下寒烟部落  
皆臣僕唐虞景後先我來剛七月博望憶張騫

安定縣

山以盧芳古城臨汾水前瓦窰分半堡煤玉值千錢舉目  
秋禾地勞心輪雨天俗呼雨雹曰輪雨讀去聲俗偷宜撫字書考我悠  
然

石宮鐫萬佛碑碣宋元多舍利銘空塔蘭亭笑永和門前

山有市

土人於三月三日石宮廟會市

花外水鳴珂覽勝今成癖題名手

自摩

居民二里半堡砦半山頭疊巘炊烟起荒城宿雨收夏眠  
新火炕人著老羊裘糜子酒初熟三杯迎素秋

兩年邊塞上宦況澹於秋敢以民風樸而誇吏事優落花  
紅遶郭冷霧綠侵樓原上日亭午城隈人放牛

四百三十二峰草堂詩鈔卷第九

惠州 趙希璜 渭川

戊申

謁諸葛忠武侯祠

檜柏森森玉露濃  
綸巾羽扇仰雍容  
建興二表酬三顧  
褒谷孤雲出九重  
諺云孤雲兩角去天一握  
後主他年竟銜璧  
先生高卧尚猶龍  
倉皇北地悲辭廟  
可有遺民陌路逢

鍾鄧爭功誰得算  
老奴遺策又何如  
如隆中雅契  
昭魚水  
天下奇才出草廬  
唾罵譙侯世修表  
風雲戰壘昔成墟  
門前卽是征西墓  
細認先朝鋒鏑餘

定軍山下石嶙峋  
寂寂琴臺繞綠筠  
城郭遠通廉讓水  
歌

謠誰採送迎神偏安畢竟非臣魏正朔都知不帝秦太息  
斯民存直道此公遺貌至今新

將星西望墮黃昏漢沔空留血淚痕早羨天懷同管樂要  
憑人力轉乾坤魏延未遂平生願陳壽偏誇慷慨存治國  
治軍原一事千秋史筆仰龍門

遊靈巖寺揭郁閣銘摹本

嘉陵江口靈巖寺郁閣銘超最上乘墨本遙從紹定得隸  
書重向建寧徵爲鄰與古香風永縱目而今爽氣澄四十  
六枚追盛典洛陽文獻香難憑

小樓風雨層霄外坐看嘉魚丙穴來浪起桃花掀石磴夜  
驚天鼓走春雷千尋瀑布林梢墜一桁晴雲屋角開遊覽

莫愁時易失幾經沈醉亂峰堆

再遊靈巖寺戲作

閣道懸蒼崖橫雲鎖雙洞嗟予塵俗吏忽作遊仙夢洞深  
黑無底冷風吹石凍方知良象孟不覺身入甕車輪大蠅  
蝠云有百觔重可充紫府庖忘爲世所用旣具臃腫形猶  
恐識者衆况夫呦呦鹿及披瀼瀼鳳巖穴不愛惜聲價誰  
伯仲漸入眼目開朱甍連碧棟更臨溪水曲長橋跨彩螭  
俯首拜仙人仙人弗爲動餉以餐石方藍田玉可種授以  
一襲衣細視却無縫歸步梅花月撫笛還三弄

連雲棧

百里連雲棧長歌蜀道難青泥遙疊疊白水近漫漫箭帶



風中鶴珠含雨後蘭聞鈴莫悽惻此閣接高寒

祁陽王召樹孝廉持其尊甫富惠堂家訓詩索題爲賦長句畀之

遊子興歌行路難慈親緘句寄長安詩同陶令書中意人在浯溪鏡裏看家學二南傳鯉訓春風萬里引鵬搏而今富惠堂前樹已是槐陰十畝寬

題胡冷香別母圖

小人有母不忘別遊子無家何以歸此種客情愁入眼試看畫意淚沾衣春風秦嶺蕭蕭馬秋雨柴關寂寂扉熟讀南陔詩一卷白描心事倩知微

巳酉

十月八日藍田遇雪用昌黎雪後寄藍田崔丞原韻  
天風吹雪雪塞關凍雲垂脚天連山大珠小珠滿萬斛錯  
錯落落來田間玉苗露苗亦頃刻冰綃彌目開心顏想是  
神仙服稼穡爲此狡獪排幽閑野有死麕遺行旅白茅一  
束包黃菅錯認輞峪作銀海梯航莫辨相躋攀我自尋梅  
發清興起寒島瘦詩難刪深林岑寂鳥啄木山僧驚詫猿  
獻環四載宦情共匏繫跬步却似循弓彎途艱路絕豈愁  
嘆要憑種玉人破慳五雙藉以傲溫飽千杵可醒蛇龍頑

藍田縣呈高曲江明府

能作藍田吏亦仙南山對我我悠然楞嚴寫得經千本擬  
賺雲僧換輞川

循藍玉山入輞峪

詩情到處領天真  
禪病王維寄此身  
貧賤如何能肆志  
山川畢竟不驕人  
紫芝滿谷烟霞古  
白玉爲田物產新  
莫托赤松誇辟穀  
且尋四皓結比鄰

輞川

黃鸝白鷺句疑仙  
野老村童解說禪  
是佛是仙都幻境  
一邱一壑憶當年  
桑麻恍入桃源路  
香火猶留蓮社緣  
風景十三區最古  
和成甘詠擬陶篇

孟城坳

春滿孟城口  
花紅細雨前  
孤舟人獨往  
小渚鶴安眠  
佳致不在遠  
會心忘與詮  
王裴行樂處  
觴詠足悠然

華子岡

雲光與山翠十里趁松風  
雲濕化爲雨山空垂作虹  
試窮飛鳥跡都在落花中  
岡上何惆悵名園異石崇

文杏館

雕梁文杏裁館是小蓬萊  
燕子雙栖處春風一度回  
從知出塵想猶復倚雲栽  
如近劉安宅應聞雞犬來

斤竹嶺

碑兀立峻嶺青蔥編茂林  
小梅斜更好幽徑曲難尋  
無服金丹訣勞餐玉版心  
碧天秋一色爽籟發龍吟

鹿柴

人語出空山深林返影間  
莓苔原上跡梵唄夢中還  
禪有

維摩病風高鑿齒閒與遊麋鹿友已共破元關

木蘭柴

環山種木蘭清絕同檀欒山鳥不知處秋聲先送寒溪流  
紅葉外霞散青林端颯颯增幽興援琴一再彈

茱萸泚

昔聞茱萸泚今見茱萸花奪目椒盈握飄香水一涯醉宜  
招杜甫事愛撫王嘉野人多上壽不是飲丹砂

宮槐陌

桃李無言處宮槐陌近湖遥遥通北垞曲曲有迂途蟬曳  
過別樹龍眠蟠覆盂濃陰寬十畝奔走笑元駒

臨湖亭

淼漫不可卽燈光湖上亭有懷人落落對此風泠泠俯仰  
發長嘯波濤生遠汀忽看山月吐放出數峰青

南垞

水南結茅宇開牖悟羲皇更挹西山爽真貪夏日長人家  
都隔蒲芥子泛坳堂烟火半明滅青林生晚涼

欽湖

欽湖湖水深洗耳復澄心滉漾倍空濶桑田成古今花疑  
菱鏡出影共月華臨夜靜採蓮曲歌聲何處尋

柳浪

柳色一如浪浪花生柳枝青青相掩映采采總參差望頗  
憐春遠晴偏愛日遲浮萍聯復散唼呷小魚吹

樂家瀨

淺瀨波自激猶如雨受風銀絲穿石翠珠網得珊紅蕭瑟  
千竿竹沈酣兩岸楓急流爭絢爛不逐水西東

金屑泉

玉田誰樹藝金屑有流泉豈是菊精化原因太白連丹成  
宜換骨代遠已忘年若遇浮邱伯開頤話拍肩

白石灘

白石灘頭爛飯牛歌未央水聲常瑟瑟秋思總茫茫把酒  
問明月隔溪橫野航乍經新雨後寒碧貫瑤光

北垞

衆山多轉顧北垞向南川聚井成村落臨湖開陌阡玻璃

明十頃枸杞吹千年驚醒魚龍夢踏波來水仙

竹里館

幽深竹里館空翠接烟霄鎮日蒲團坐橫吹玉律調春風  
坑谷滿秋水性情遙斜映疎窗上高低鳳尾搖

辛夷塢

緣隄環作塢細草碧於苔二月辛夷放扁舟酒客來紅顏  
欺醉眼香意亂寒梅中有流鶯囀花陰埽不開

漆園

曾經天寶事何異漆園時蝴蝶夢非幻逍遙人自知畫禪  
千古意詩病半生癡藥竈茶鐺裏塵氛休妄窺

椒園



師莊更師屈身隱感離騷寂寞聞山鬼荆榛泣并髦聊同  
彭澤柳莫賦鬱輪袍採摘爲君勸秋風燕雀高

紙瓦歌

古歛程生聚漢瓦鎔錫翻沙仿陶冶千年篆籀生精神滿  
紙烟雲致瀟灑蓬癡癡絕作紙瓦遺貌取神倍擣擣爛紙  
爲泥泥色青倒薤懸針不傷雅行空杳杳望天馬亦戀渠  
渠有大厦予懷馳騁儀商周金石搜求幾摹寫鐵蟾先生  
嗜古者長安市中笑口哆研材醇茂涵幽香出入風騷藐  
屈賈紙瓦之說說盡寡帳裏梅花廣莫野羲皇有夢形模  
真水月交輝滉漾假印印相傳自上下爭鳴何事分取舍  
悠然春睡渭川翁寄語鄰鐘莫輕打

庚戌

過陸賈廟戲作

南粵人傳陸大夫當年曾賜趙佗書我來好時瞻遺象誰  
訪安車到敝廬寶劍已隨蓮舌化浮生不羨酒泉居將軍  
若問禎祥事鵲噪燈花應豈虛

送潘安甫茂才歸粵

潘子別我將南歸春風楊柳交依依灞橋送客客心碎况  
我好時通西陲西到陽關路迢遞東望粵嶠雲迷離我有  
要語爲子說子聞我語當開頤楚人陸賈昔寓此粵裝曾  
壯千金遺安車駟馬耀里閭蠻夷大長忘猜疑書生囊橐  
片言裕贈以珠貝滄波涯子遊五載四壁立我亦赤手雙

三  
翅垂以言爲贈李耳意勉學陸賈母依違

哭次兒憬二十韻

生兒望成立而汝竟先凋十九年同夢三春柳太嬌舒祺  
悲賤息顧况哭殘宵憶昔依予肘通經已髮髻支持亢門  
戶遠大繼宗祧書可千行下詩裁五字調卯君愧蘓轍以

辛卯

生 陋巷共顏瓢侍我遊京轍披星趁月輶高軒韓愈過

長爪李郎招頗識檀梨喻都忘意態驕老牛情舐犢劣虎

氣千霄落落秦關久茫茫粵海遙春雲涵碧樹秋雨泣紅

蕉晚別嘉陵日遄征漢水橈

兒隨宦畧陽時回粵畢姻

神魂偕爾邁離

恨何誰消母子欣團聚匏瓜嘆寂寥前年剛授室破鏡詎

爲妖

兒歸攜一破鏡而去

羊祜根偏慧童烏育不苗最憐遺寡媳猶

自守霜條痛極枯雙淚孤燈影獨搖

輓申鐵蟾明府

君身墮地爲騏驎崧高維嶽嶽降神說詩遠宗卜子夏變  
隸體凌王右軍上谷次仲化大鳥下邳程邈成專門先生  
一一領其要創意造極何停勻南遊衡嶽摘星斗睥睨屈  
賈空煩寃洛陽兒女識縣尹謂君撫字回春溫陽城考却  
愛自注循吏傳尙嗤前人蕭然宦轍兩到秦經生面目憎  
風塵還丹誰爲鐵蟾轉清淨頓悟平生因有時掀髯忽微  
笑蔑視富貴同浮雲仙李蟠根歲月久涇陽李老人號數  
百歲與鐵蟾分最  
深佛桃結搆烟霞新鐵蟾病革時夢搆佛桃  
新舍前因自有在也水晶琉璃說  
世界廻廊曲檻交氤氲黑甜風味白駒隙黃梁變幻華胥

民長爪郎歸玉樓杳化城近與芙蓉鄰

梁山

梁山之說何紛紛毛詩本自存其真率西水潯至岐下東

尋好時來周原梁山自邠州大峪西北迤邐數百里由永壽之上宜里順循好時河西南入渭與乾

武岐扶交界後人未歷其地臆斷多矣後人聚訟愈失實沿流胡遽忘討源

周原膺膺接陶壤一山橫界生烟雲踰此可限戎馬足旌

旗照耀河之濱好時昔稱美田地秦宮漢時交嶙峋乾武

東北界永壽毗連綿亘相迴環雞間漆虛自上古陶復陶

穴看躋攀李斯車騎祖龍怒古公播遷岐鳳聞險阻踰越

幾千載經生追論慙分門馮翊扶風自徑別鄭註孔疏誰

宜刪五經考辨梁山有二詩奕鄭箋云梁山於韓國之山最為高大為國之鎮所望祀焉在馮翊夏陽西北此

指韓城邵陽兩縣界之梁山也書禹貢鄭註云岐山在右  
扶風美陽西北梁山西南此指乾州永壽之梁山也康成  
箋註原自畫然孔氏繙詩疏不達鄭意乃合而爲一云梁  
山橫長其東當夏陽西北其西當岐山東南自幽適岐當  
踰之殊不知岐周韓國東北其西相距五六百里古公率西水  
游當田好時河西行爲是蓋梁山之下好時西繞武功入  
渭故摻擣不厭涉誇大撫摺無當空煩言牽率晉望與秦  
望猶如坐井忘朝昏我偕半菴勤考据時延婁東王半菴修永壽縣志  
笑數典同家珍好時流長山永奠岐周密邇東西分